

## Žemaitiu kultūras draugėjės veikluos programuos pagrindėnė matmėnė, aptartė draugėjės IX sovažiavėmė

1. Bėndradarbiaujint so Lietovuos Respublikas Seima parlamėntėnė žemaitiu grupė ėr Žemaitėjės rajuonu savėvaldėbiem igėvendintė Žemaitiu kultūras draugėjės, Žemaitiu kongresa (Telšė–Šiauliū rajuons, 2020 m.) rezuoliucėjė „Diel žemaitiu kalbuos, istuorėnė Žemaitėjės regėjuona iteisėnėma, ėšsaugojėma ėr integracėjės“.

2. Bėndradarbiaujint so Lietovuos Respublikas Seima parlamėntėnė žemaitiu grupė iteisintė Telšius kap Žemaitėjės istuorėnė-etnuograpėnė regėjuona suostėnė.

3. Parėngtė naujus Žemaitiu kultūras draugėjės (ŽKD) ėstatus ėr anus iregėstroutė istaĩmu nu-statĩto tvarko.

4. Kreiptėis i Telšiū rajuona savėvaldėbė diel ŽKD ir ŽKD Telšiū skĩrius veiklā reikalingu patalpū panauduos pagrindās soteikėma.

5. Organizoutė Žemaitėjės istuorėnė-etnuograpėnė regėjuona heraldėkas (herbu, vielevu, ontspaudu) atnaujėnėma, atsižvelgont i naujus Lietovuos heraldėkas kuomisėjės reikalavėmus, bet nekeitont Lietovuos heraldėkas kuomisėjės patvirtintu Žemaitėjės dėdžiujė ėr mažuojė herbu, vielevu, heraldėniu simbuoliu (meška – istuorėnė, so ontkaklio, istuorėnės žemės statusos – konėgaikštė keporė, istuorėnė Euruopa žemės – luotĩnėšks šũkis „PATRIA UNA“, ipatings indielis Lietovuos istuorėjė ėr valstibigomou – laikĩtuojė: gĩnĩba – kalavijos, pajũris – inkars).

6. Organizoutė Žemaitėjės istuorėjės vaduovelė muokĩkluoms parėngėma ėr ėšleidėma.

7. Skatintė muokuomuosės medžegas, metuodėniu priemuoni, skėrtũ žemaitiu kalbuos ėr rašibas muokĩmou švėitėma ėstaiguos (darželiũs ėr muokĩkluos), leidėma.

8. Pakartuotėnā ėšleistė dailininka A. Každailė spaudā parėngta istuorėni Žemaitėjės žemielapi.

9. Bėndradarbiaujint so Žemaitėjės rajuonu savėvaldėbiem skatintė Žemaitėjės simbuoliu (vielevas, herba, žemielapė) nauduojėma viešuos erdvies ėr



Žemaitiu kultūras draugėjės IX sovažiavėmė. Iš kairies: poetė Stražinskātė-Glinskienė Irena ėr Lietovuos Respublikas Seima parlamėntėnės žemaitiu grupės pirminikė Šalašėvičiūtė Rimantė. Vėngalė Bonifaca portėgrapėjė

rėngėniũs, organizoutė istuorėniu, kalbėniu, etnuograpėniu konferėncėju medžegas leidĩba, inicijoutė mena žėnkliũ, katrėi iprasmėn Žemaitėjės istuorėjė, žĩmius Žemaitėjės žmuonis, kũrėma, puoselietė, saugotė, ėr puopolerintė krašta etnėnė kultūra.

10. Skatintė mena kũrėniũs Žemaitėjės vėitu pavadėnėmus atvaizdoutė žemaitiu kalbo.

11. Sokortė žemaitiu, katrėi gĩven Žemaitėjuo ėr kėtũs Lietovuos regėjuonũs ėr tor „Žemaitė pasa“ (ĩr Žemaitiu kultūras draugėjės narė), bėndra registra.

12. Vėsor, kor ėr žemaitiu, lėipas 13 dėina mėnavuotė kap ŽEMAITIU VėINĩBėS DėINA.

• Žebrauskė Algėrda pranešėma, perskaitĩta Žemaitiu kultūras draugėjės IX sovažiavėmė, vaizda ėraša fragmėnts > <https://www.youtube.com/watch?v=-6NeHP9AZE8>.

• Pabriežas Jũzapa pranešėma, perskaitĩta Žemaitiu kultūras draugėjės IX sovažiavėmė, vaizda ėraša fragmėnts > <https://www.youtube.com/watch?v=1ShYQSCBtdk>.